

Creatur geschaffen zu gleich / vom Vater /
Son vnd Heiligem geist / Vnd ist nicht zu
leiden im glauben / das der Vater allein / oder
der Son allein / oder der Heilige geist allein /
diese Creatur oder Menschheit geschaffen ha-
be / Sondern ist / ein Opus indiuisum tri-
nitatis / Ein werck / welchs alle drey Perso-
nen / als ein Einiger Gott vnd Schepffer ei-
nerley wercks / geschaffen hat / wie der Engel
Gabriel zu der Jungfrawen Maria saget /
Luce 1. Der Heilige geist / wird vber dich ko-
men / vnd die Krafft des Allerhöhesten / wird
dich vberschatten. Nicht allein ist der Heili-
ge geist da vber dir (spricht er) Sondern auch
der Allerhöhest / das ist / der Vater wird dich
vberschatten / mit seiner Krafft / das ist / durch
seinen Son / oder Wort / Auch so sol / das in
dir Geborn wird / des allerhöhesten Son /
sein vnd heissen / das also die gantze Dreifal-
tigkeit / als ein Einiger Schepffer hie ist / vnd
das Einige Werck / die Menschheit / geschaf-
fen vnd gemacht hat / vnd doch die Pers-
son des Sons allein damit vereiniget / vnd
Mensch worden / nicht der Vater noch Hei-
liger geist.

Vnd kanst von diesem Menschen niche
sagen / das ist Gott der Vater / oder das ist
Gott der Heilige geist / Sondern must sa-
gen / das ist Gott der Son / Ob wol Gott der
R u Vater